



## Avaleraasartuunik ammassassuarnillu agguaassinissamut piunasaqaatit 2019

Naalakkersuisut decemberip 20-anni 2018-imi Tunumi avaleraasartuunik ammassassuarnillu pisassiissutit ima aalajangersarpaat:

Avaleraasartuut	59.729 tons
Ammassassuit	25.000 tons

Naalakkersuisut martsip aallaqqaataa 2019-imi APNN-imit inassummik tigusaqareerlutik avaleraasartuunik ammassassuarnillu agguaassinissamut piunasaqaatit pillugit aalajangiipput.

### Avaleraasartuut

2019-imi avaleraasartuunut piunasaqaatit tassaapput:

- pisassiissutinit 54.729 tonsit, ingerlatseqatigiiffinnut kalaallit aalisariutaannik peqartunut agguaanneqassasut<sup>1</sup>. Pisassiissutit kalaallit aalisariutaannut piunasaqaatinik naammassinnittunut assigiimmik agguarneqassapput.
- 5.000 tonsit pisassiissutit sillimmataattut immikkoortinneqarput. Pisassiissutit taakku ingerlatseqatigiiffinnut pisassiissutinik aallarniutaasumik agguaassanik tamakkiisumik aalisareersimasunut APNN-ip tunniussinnaavai. Taakku 5.000 tonsit kalaallit aalisariutaannut immikkoortinneqarsimapput.
- Pisassiissutit 54.729 tonsiusut agguarneqarsimasut amerlanerpaamik akuersissummut ataatsimut 40 %-ii aalisariutit attartorneqarsimasut atorlugit aalisarneqarsinnaapput. Tassa imaappoq, oqimaannerpaamik 21.892 tonsit, nunanit allanit aalisariutit attartorneqarsimasut atorlugit aalisarneqarsinnaapput. Taamaalilluni ingerlatseqatigiiffiit kalaallit aalisariutaannik peqartut taamaallaat, pisassiissutigineqarsimasunik aalisarnissaminnut aalisariutinik allanik attartorsinnaapput.
- Tunumi avaleraasartuortassat 59.729 tonsiusut annerpaamik 20 %-ii, nunat tamalaat imartaanni aalisarneqarsinnaapput. Tassa imaappoq avaleraasartuut oqimaannerpaamik 11.946 tonsit nunat tamalaat imartaanni aalisarneqarsinnaapput. Aalisarsinnaaneq kalaallit aalisariutaannut immikkoortinneqarsimavoq. Nunat tamalaat imartaanni aalisarneq piffissami taaneqartumi ingerlanneqarsinnaavoq:
  - Aalisarnissamut akuersissutip tunniunneqarfianiit 30. juni ilanngullugu
  - aamma 1. septembarimiittaaq.
  - Imaluunniit Kalaallit Nunaata imartaanni avaleraasartuortassat ikinnerpaamik 80 %-ii ingerlatseqatigiiffiup aalisareerpagit.

*Assersuut: Kalaallit Nunaata imartaanni ingerlatseqatigiiffiup avaleraasartuortassami 80 %-ii ulloq 20. august aalisareersimappagit, ingerlatseqatigiiffiup angallataataa Kalaallit Nunaanneersoq, ulloq 20. august aallarnerfigalugu nunat tamalaat imartaanni avaleraasartuortarsinnaalissaaq.*

<sup>1</sup> Kalaallit aalisariutaat imatut paasineqassaaq, Aalisarsinnaanermut akuersissutit pillugit nalunaarummi § 17 naapertorlugu APNN-imit ulloq 1. januar 2019-imi aalisariutitut akuerineqarsimasoq.

- Tunumi avaleraasartoortassat tamakkiisumik ulloq 1. septemer 2019-imi aalisarneqarsimanngippata agguasseqqittoqassaaq taamaalilluni avaleraasartooriarnermi pisassiissutit sinneri (oqimaannerpaamik 11.946 tonsit) kalaallit aalisariutaasa, nunat tamalaat imartaanni avaleraasartooriarusuttut, akornanni naligiimmik agguanneqassallutik.

### **Ammassassuit**

Ammassassuarnut 2019-imi piumasagaatit tassaapput:  
Ingerlatseqatigiiffinnut avaleraasartoortassanik tunineqarsimasunut ammassassuortassat immikkoortinneqarput.

- Pisassiissutit amerlanerpaamik 40 %-ii aalisariutit attartukkat atorlugit aalisarneqarsinnaapput. Taamaalilluni ingerlatseqatigiiffiit kalaallit aalisariutaannik peqartut taamaallaat, pisassiissutigineqarsimasunik aalisarnissaminnut aalisariutinik allanik attartorsinnaapput.

### **Avaleraasartuunik ammassassuarnillu 2019 aalisarnissamut nunanit allanit aalisariutinik attartorneq**

Angallatit avaleraasartooriutitut aamma ammassassuarniutitut attartorneqartut nunaniit NAFO-mi, NEAFC-imi ilaasortaneersuussapput imaluunniit Nunani umiarsualiveqarfiusuni oqartussaannerup iliuuseqarfigineqarnissaa pillugu isumaqatigiissutaanut ilaasuussapput, tassa aalisarnermi aalajangersugaanngitsumik unioqquutisumik, nalunaaruteqartannginnermut killilersugaanngitsumillu aalisarnermik pinaveersaartitsisussatut isumaqatigiissummut ilaasuninngaanneertuussapput (IUU-aalisarneq)<sup>2</sup>.

### **Pisassiissutininik agguaaqqinneq**

Tamanna pisariaqartinneqalissappat aalisarnerup ingerlanerani avaleraasartuunut ammassassuarnullu pisassiissutit agguataaqqinnissaannut Aalisarnermut, Piniarnermut Nunalerinermullu Naalakkersuisoq pisinnaatitaavoq.

### **Qinnuteqaat**

Ikerinnarsiorluni aalisarnissamut qinnuteqarnissamut immersugassaq atorlugu qinnuteqartoqassaaq.

Qinnuteqarnissamut periarfissaq kingulleq **21. marts 2019** kiisalu qinnuteqaat apnn@nanoq.gl-imut nassiunneqassaaq.

---

<sup>2</sup> Isumaqatigiissummut nunat atsiorsimasut pillugit tamakkiisumik takussutissiaq uani nassaarineqarsinnaavoq [http://www.fao.org/fileadmin/user\\_upload/legal/docs/037s-e.pdf](http://www.fao.org/fileadmin/user_upload/legal/docs/037s-e.pdf)